

E LA MENDULA AIA FIÓRI CHJÁRI

(gallurese)

Viagghju chena fini di lu 'entu  
 còntami di li bóli lu mumèntu,  
 centu sinni pisésini una séra  
 e v'éra, forsi, calchi viritài...  
 Socu aspittèndi ancóra e come tandu  
 andu cilchèndi sempri a la 'intùra:  
 cantu dura lu stentu chena luci  
 tantu dura lu córi chena paci.  
 Ghjra la solti come una bandéra,  
 gruci di l'omu e di la só' andìra...

Mulmùttu di frina lu céli s'intrina,  
 mistéri di mari chi pari e no pari,  
 vappóri chi passa allònga sinn'anda...  
 Ma candu la bóci si faci licéri,  
 si torra lu passu cunfolm'a lu lócu  
 e séri di sonnii ignìru a lu fócu:

m'ammèntu chi turrésimi cantèndi  
 tinèndi la tó' manu illa mé' manu,  
 l'alcànu di la risa éra fatàtu,  
 cuàtu da l'alènu di lu sóli;  
 érami sóli e chena pinsamènti,  
 sintimènti di néuli illa luna,  
 miràti illi tó' occhj, abbagli rari:  
 e la mèndula aia fióri chjàri.

pseudonimo: caracutuPIERO CANU  
TEMPIO